



In mercuri ai 19 de Otober él gnü sughé le ritorno dl 2° turno de Copa Provinzia 2011/2012 de 3° categoria por La Val. La partida é gnüda sugada indô cuntra le Gais fora de ciasa, sön en campo rî y ulache les condiziuns dl tēmp ne é nia stades ideales. Mo dô la vitora te ciasa por 3 a 2 é jüda la squadra a Gais por passé le turno.

La squadra da Gais se á prejentè cun na gran convinziun da passé le turno, ince por i dui goi che ai é stá bugn da fá al andata (dô che La Val é jüs in vantaje por 3 a 0). Mo la squadra da La Val á mustré na gran grinta y cun na partida dēr combatüda esi stá bugn da portè a ciasa en pareggio por 0 a 0. **Cun chësc pareggio passa La Val le turno y rōia ti cuarti, che gnará sugá de Mërz 2012, denant che le ritorno meti man.**

Chësta partida é ince gnüda sfrutada por lascè sughé en pü i sogadusc che ne á nia podü sughé tröp cina sēgn te campionat y ince por lascé sughé i sogadusc che é stá fora por infortuni o por atres cosses. Mo ince sce al ê deplü sogadusc nüs á metü man bun la partida. Bel ti prüms menüć él La Val che podess jí cuntra porta, mo le arbiter fischia dui fuorigiochi che ne foss nia stá. Spo él Florian che rōia cuntra le portier, al é bun da fa passé dlungia ia la pala, le portier va total sön le mandl y maza jö Florian. Al foss sté rigore netiscimo cun la cherta cōcena por le portier dl Gais, mo le arbiter ne fischia nia. La scusa dl arbiter é stada che al ne á nia udü l'aziun.

Püch dedô él Alex E. che se porta tl area, sön en bel passaggio filtrante de Freddy. Al é bun cun na bela moscia de dribbling da rientre, mo le difensur le sciūra indô jö portera cun les mans, ince in chësc iade él le arbiter che ne ti dá nia le rigore netiscimo. La Val süga na bela partida, mo datrai fael indô la prezijiun por l' ultimo passaggio ai atacanć, che podess insciö jí cuntra le portier.

Mo a mesa le prüm tēmp é le Gais che á na gran oportunité. En atacant se acentrēia ite y dá jö na bela pala in profondità. I defensur da La Val mina che al é fuorigioco y stá chić. Mo le arbiter lascia jí inant la partida. Le atacant se prejentēia dan Sepl da sú. Cun en gran tiro él bun da superé le portier, mo la pala rōia bel avisa sön la traversa, jö sön la riga y fora. Na gran furtüna por La Val, che á insciö evité le 1 a 0.

L' prüm tēmp se stlūsc jö sön le 0 a 0. Tl secundo tēmp vëgn le Gais cun na gran grinta te campo. La Val ne é nia plü cis bugn da gní fora cun la pala sön le pé, porchël proi cun contropiedi da jí a fa gol. Mo la squadra é massa destacada. Tl secundo tēmp é le portier da La Val (Sepl) che fesc en per de beles parades y uscites. Che ti dá insciö na gran tranquilité ai

defensursc.

Tl secundo tēmp é La Val che vëgn en pū stanć y ti lascia deplū spazi ai aversars. La Val se stēnta en pū da gní sō cun la squadra. Porchēl proi da jí a fa gol cun contropiedi, mo chēl é ince en pū rī, deache la squadra é bimbo destacada.

Sepl le portier da La Val, fesc en per de beles parades y uscites, che ti dá insciō na gran sigurēza ai defensurs dô ia. A mesa le secundo tēmp él Micky che fesc prēsc en eurogol. Sōn na puniziun dlungia le fallo laterale, tirel en gran tiro de potēnza. Dūc mina che la pala vá fora, mo spo ojera jō cuntra le incrocio lunch. La pala rōia bel avisa tl incrocio dla porta, foss stē en beliscimo gol. Di ultimi 20 menūc dla partida vëigun che Gais vëgn ince tres plū stanć, ai mēt man da sbaglié deplū passaggi. Insciō é bugn La Val da portè a cíasa le pareggio, che ti scinca insciō i cuarti.

La foramziun titolara: Sepl Kantioler, Valentin Elmar, Alton Alex, Tavella Jordan, Castlunger Marco, Sottara Stefan, Sottara Freddy, Rubatscher Romeo, Verginer Franzi, Elzenbaumer Alex y Rubatscher Florian

Sostituziuns:

Frenes Micky por Sottara Freddy

Miribung Adrian por Elzenbaumer Alex

Sottara Werner por Verginer Franzi

